

# Hogofulu e puhala ke fakaaoga aki e vagahau haau ke he kaina

- 1 **Vagahau** e vagahau poke tau vagahau haau, mo e fakaohoho e magafaoa katoa ke fakaaoga tumau e vagahau ke he tau magaaho oti.
- 2 **Tukuogo** e haau a tau tala tuai, tau tala fakaleo tatai, tau poueme mo e tau talahauaga ke he hau a tau fanau. Tala kia lautolu hagaa ke he magafaoa haau, tupumaiaga, mo e tau tala tupu fakaholo.
- 3 **Tohitohi** ke he magafaoa mo e tau kapitiga, auloa mo e fanau ke he vagahau haau - tau kâte, tau tohi, tau imeli, tau tekiti poke fagapuhala fakasosiolo - ti fakatokatoka e tau magaaho ke oatu ke ahiahi ki ai.
- 4 **Totou** auloa e tau pepa he tau aho oti. Tuhi ke he tau fakatino, totou oti e laini tala poke totou e tau kupu taki taha, poke totou e tau tala ke he tau vagahau haau ne ua.
- 5 **Kitekite** e tau fakaholoaga mo e tau ata fakatino he vagahau motu ke he televisoni, poke moua mai he fale toka tohi totou poke onolaine. Poke fifili e tau kifaga ne fai kupu ne tohia ai i lalo.
- 6 **Lagomatai** e tau fanau ke he tau mena aoga taute ki kaina ke he vagahau haau, mai he aoga, kalapu, faituga, temepolo poke moseki.
- 7 **Uhu** e tau lologo mo e tau fanau ke he vagahau haau.
- 8 **Fakafiafia**. Ta e tau leo kofe mo e taute e tau fefeua fakamotu ke he vagahau haau.
- 9 **Tuku hake** e tau pepa fakatātā, tau mata tohi, poke tau pega laupepa tohi tala ke he vagahau haau.
- 10 **Fakamaama** atu ko e mena maeke he tau fanau ke fakatatai e tau lotomatala ke he vagahau poke aga fakamotu ne ua poke fiha atu foki ke he ha magaaho ni.



## Kia Manatu

- Ko e fakaaoga he vagahau poke tau vagahau haau ke he kaina to lagomatai ai e tau fanau haau ke kautu ke he aoga, mo e gahuaaga a anoiha.
- Ko e mena mitaki agaia ni ke fakaaoga ua poke loga atu e tau vagahau he tau fanau.
- Ko e mena mitaki foki ke ole lagomatai ke he tau magafaoa, tau kapitisa poke tau faiaoga ka nakai manako e tau fanau haau ke fakaaoga e vagahau haau.
- Mukamuka foki ka fai matakau. Matutaki ke he tau gahua fakamaaga, mo e kumikumi poke kamata e taha pelekulupu, matakau aga fakamotu, aoga poke kalapu ma e matakavi poke onolaine.

Ka manako ke totou atu foki, poke moua lagaki mai he falu vagahau foki, ti kikite ke he

[www.facebook.com/communityLanguageAssociationNZ/](http://www.facebook.com/communityLanguageAssociationNZ/)

